



## Universitätsbibliothek Paderborn

**R. P. Pavli Laymann è Societate I: Theologiæ Moralis  
Compendiv[m] absolutissimum et in quinq[ue] libros  
partitum**

**Laymann, Paul**

**Moguntiæ**

5. De co[n]scientia dubia, & opinatiua.

**urn:nbn:de:hbz:466:1-40716**

MORALIS COMP.

C A P. V.

*De Conscientia dubia.*

**N**ot. 1. Dubium est distinctum ab opinione, r  
sententia seu iudicio.

Dubium est cum mens ancepshæret, vt neutri  
parti contradictionis assentiatur. Opinio est assen-  
sus incertus, non carens saltem virtuali formidine  
oppositi. Iudicium excludit omnem dubitationē,  
vel propter evidentiam obiecti, vel propter conte-  
stantis auctoritatem.

Not. 2. Dubium aliud est iuris, & aliud facti.

Dubium iuris dicitur, quod est de obligatione,  
aut facultate legitima agendi, vel de legitimo actus  
valore. Dividitur in speculatum & practicum.  
Speculatum dubium iuris est, in quo non quæri-  
tur directè de praxi, & de humana actione, vtrum  
ea licita sit, necne, sed de quodam alio legitimo,  
V.C. Vtrum Baptismus in nomine Christi sine in-  
vocatione Sanctæ Trinitatis sit validus. Dubium  
iuris practicum est, in quo directè quæritur de pra-  
xi, seu actione morali, num ea licita sit. Hoc iterum  
duplex. 1. Generale & abstractum, num V.C. Con-  
tractus census germanici usurarius sit? vtrum liceat  
die festo bellare, piscari, &c. 2. Practicum practicè,  
propriè, cum in particulari dubitatur, vtrum hic &  
nunc mihi liceat die festo pingere, bellare. Prīus, quia  
remotum à praxi, reducitur ad speculatum.

Dubium facti dicitur, in quo ambigitur, vtrum  
aliquid factum sit nec ne, V.C. vtrum ætas septennii  
completa, vtrum horæ lectæ. Cæterum ex dubio fa-  
& si plerunque oritur dubium iuris, V.C. vtrum votū

F. dubitans

A 4 Religio-

*dubitans* Religionis ediderit, mox incipit dubitare, utrum obligetur. Item ex Dubio iuris, Practicum; V.C. Vtrum Baptismus validus fuerit, mox dubitare incipit, an repeti debeat, utrum res fuerit sua, mox an eam retinere possit.

N Eadem diuisio, quæ est Dubii, est etiam Opinions & Sententiarum.

### §. I.

#### *De Dubio Iuris propriè seu practicè practico.*

3 A Ssert. 3. Agere vel omittere aliquid cum dubio propriè pratico, semper est peccatum, probat. Rom. 14. Quod non est ex fide, peccatum est; id est, quod non sit cum determinato iudicio intellectus. Ratio 1. Omnis actus humanus rectus & honestus debet esse prudens; prudentia autem consistit in iudicio mentis definientis, quid hic & nunc licet fiat, vel non fiat. 2. Exponens se periculo peccandi, peccat eodem genere peccati, cui se exponit, qui autem agit aliquid vel omittit cum dubio pratico, id est, dubitans utrum agendo vel omitendo peccet, is committit se peccandi periculo. Ergo,

4 Ad recte operandum requiritur iudicium praticum, moraliter certum, quo excludatur omnis formido oppositi. Nam prima regula humanarum actionum debet esse firma & constans, scilicet conscientia recta, quæ est actus prudentiae, unius ex intellectualibus virtutibus, quæ semper ad verum inclinant, at opinione aliquando fallimur. Deinde, quicunque exponit se periculo peccandi, peccat, at quicunque operans practicè certus non est, is committit se periculo peccandi, Ergo, excipe scrupulum & per-

& perplexitatem, quā intellectus vtrumque iudicat peccatum, & eo errore se expedire nequit.

## §. II.

*De Dubio seu quæstione practicè uniuersali, quæ est inter diuersas Doctorum opiniones probabiles.*

**N**ot. 1. Qui vni parti quæstionis opinativè aſſentit, potest alteram nihilominus probabilem indicare, sed non veram aſſerere. Non veram dico, quia impossibile eſt, vt intellectus duabus propositionibus contradicentibus directere aſſentiat, ſive utramque veram iudicet: ſed hoc ipſo, quod vni de- bilitate aſſentitur, & veram iudicat, eius contradicenti diſſentit, falsamque iudicat, cum tamen conſiſtere potest, ut eandem probabilem ceneat. Sic Do- ctores frequenter ſententiam aliquam adductis rationibus falſitatis arguunt, quam tamen probabi- lem eſſe fatentur. Cæterum cui vna pars quæſtionis vel per rationem evidens, vel per fidem certa appa- ret, ei pars oppoſita nullo modo probabilis videri potest. 9.

Not. 2. Licet omnis pars quæſtionis, ſi probabilis fit, opinativum aſſensum gignere poſſit, tam abſolute id non poſteſt in omni intellectu. Si enim tibi pars oppoſita quæſtionis probabilior videatur, ſeu maiora rationum monumenta in illam partem per- ſpicias; licet aſſensum omnem cohibere tunc poſſis, tamen ex hypotheſi, quod alteri parti aſſentiri velis, neceſſe eſt, ut probabiliori aſſentiaris, alteri autem minus probabilis tunc aſſentiri non poſtes. Si enim minus probabilis aſſentiaris, ſeu veram iudices, hoc

A 5 ipſo

ipso oppositam falsam aestimas, quod fieri non potest, dum ea tibi probabilior apparet, propterea quod intellectus iudicatus secundum specificacionem non omnino liber sit, sed a rationibus seu moti- vis obiecti determinetur. Nec resp. Quod proposi-  
tio una ratione falsa, altera vera sit, cum veritas & falsitas intra Contradictorios terminos versantes, latitudinem non habent.

NB. Hoc axioma habet hunc sensum (propositio  
haec verior, id est, verisimilior est, quam eius opposita.

9. Not. 3. Probabilis sententia, quam certitudinem  
non habens, tamen vel gravi authoritate, vel non  
modici momenti ratione nititur.

Gravis authoritas est etiam vnius viri doctri &  
probi; qui tamen talem doctrinam non temere, sed  
post perspectiva rationum pondera, quam in opposi-  
tum afferri possunt, amplexus est. 9.

7. Assert. 1. Ex duabus probabilibus contradicen-  
tibus opinionibus, quae versantur circa actionem  
humanam, an ea sit licita nec ne, quisque in praxi,  
sive operatione sequi potest, quam velit, & si ipsi o-  
perant altera speculativè minus probabilis videa-  
tur. Prob. Opinionem, quam non est aliena a recta ra-  
tione, potest quis prudenter sequi, atqui probabilis  
opinio, quia nititur graui authoritate non est aliena  
a recta ratione, Ergo. Speculativè magis probab.  
opinio nihil facit ad rem, quia cum sit incerta & for-  
tasse falsa, non potest esse regula operationis.

Assert. 2. Ex duabus probabilibus opinionibus  
minus probabilis minus tuta potest sequi, prob. In  
moralibus operationibus, non est necesse sequi  
quod optimum est: sed sufficit sequi quod bonum ac  
utrum. At quod opinio probabilis tradit, id bonum  
actu-

ne tutum est. Ergo Probatur maior (cum minor certa ex dictis) tum quia alioquin consilium non differret à præcepto, tum quia nimis gravis obligatio incumberet homini operanti, si sc. quisquā examinare deberet, utra duarū propositionū probabilior esset.

Sed objicies, quod in dubiis tutior via eligenda juxta 8  
c. iuvenis de sponsalib. &c. si quis autem di. 7. de  
pœnit. Tene certum & dimitte incertum. Resp. Re-  
gulam illam potius cōsilium, quam præceptū conti-  
nere. Secūdo id locū habet in dubio practicē practi-  
co, vbi nī sequar tutiore partē, cōmitto me pericu-  
lo peccati, quod non habet locū in dubio abstracto.

Nota. Ad hanc assertionem pertinet reg. 31. in 6.  
Qui certus est, certiorari non debet.

N.B. Certitudinem Conscientiae non esse specu-  
lativam ex principijs intrinsecis rei peritam: sed esse  
practicā, ex praticis & rei extrinsecis principijs de-  
sumptā. V.C. Sententię Doctorū, pbabiliter docēti a-  
liquid esse licitū agere, possū me in praxi cōformare.

Coroll. 1. Doctor alteri consulenti consilium da- 9  
re potest nō solum ex propriā, sed etiam ex oppositā  
probabili aliorū sententiā, si hæc illi favorabilior sit. 11.

Coroll. 2. Si pœnitens in praxi bona fide sequatur 10  
sententiam tutam & probabilem, Confessarius verò  
eandem speculativè improbabilem censeat, tenetur  
tamen absoluere, quia Confessarius non potest ne-  
gare absolutionē bene disposito, & nullum peccati  
obicem ponenti. Nec obstat si dicas Confessariū esse  
superiorē pœnitētis, nō enim est superior simpliciter  
neq; ius habet præcipiēdi in omnib., sed solū in ordi-  
ne ad peccata, q; ad tribunal pœnitētię adferuntur. 12.

Coroll. 3. Superiori præcipienti secundum opi- 11  
nionem probabilem, subditus tenetur obēdire etiā  
contra

contra propriam magis tutam & probabilem. Sic enim subditus aliquid licet agere potest, præcipiente superiori, etiam debet.

12. *Deinde*, In dubio inter superiorē & subditū præsumptio est pro superiorē, arg.c. quid culparur. 23. q. 1.

Et licet subditus dubitet, utrum superior iuste præcipiat, nam tenetur obedire, nisi grave damnum timeatur. 12.

### §. III.

#### *De Dubio iuris mere speculativo.*

13. **R**egula illa, quod liceat quamuis probabilem sententiam sequi, accommodanda non est ad quæstiones mere speculativas, qualis est de valore baptismi, V.C. si ministretur in materia, vel forma dubia & incerta, nam licet in scholis probabiliter doceatur, tamen cum sit mere speculativa, nihil dicitur de operando. Et in sententia dubia periculum est, ne invalide sacramentum administretur, cum magna irreverentia.

Excipitur tamen casus necessitatis, in quo recte administratur sacramentum, persertim unum ex necessariis, cum dubio valoris saltem sub conditione. Ita enim v.c. proles baptizatur, exerto ex utero sola manu, si periculum in mora sit, cum enim ratio dicatur, ex duobus incommodis minus eligendum, in tali casu cessat periculum irreverentiæ formalis. 13.

14. Non tamen requiritur in quæstionibus de valore Sacramenti exacta certitudo, sed sufficit magna probabilitas, quomodo aiunt ~~Doctorum~~ ~~alium~~ sacramentum pœnitentie accipere, cum sola attributione etiam cognita, conformando se probalissimæ senten-

sententia, quod talis dolor in Sacram sufficiat, quia opposita sententia negans attritionem sufficientem valde improbabilis est : quia sequeretur hominem nunquam iustificari per ipsam susceptionem Sacra- menti Pœnitentiae, cum iam ante per contritionem eum iustificatum esse oporteret, quod tanquam improibile communiter iam rejicitur.<sup>13.</sup>

*De Medico & Chirурgo.*

**M**edicus in curando infirmum sequi debet sen-<sup>15</sup>  
tentias certas & securas, relictis incertis ac du-  
bijs. Ratio ; quia Medicis officium & lex charitatis  
ita postulat, ut adhibeantur remedia, quæ ad pro-  
positum sanitatis finem magis idonea sunt, id est, pro-  
futura non obfutura iudicantur.

Quod si nulla nisi dubia & periculosa medica-  
menta suspetant, & Medicus intelligat, certo mori-  
tum infirmum, nisi medicamentum adhibeat, non  
carens quidem periculo accelerandæ Mortis,  
iunctum tamen cum probabili spe conferendæ sa-  
nitatis, adhibere poterit. Adrian. ex Galeno.<sup>14.</sup>

*De Iudice in Causa dubia.*

**I**udex debet sententiam ferre, quæ inspectis alle-<sup>16</sup>  
gationibus & probationibus, probabilior iurique  
conformior est, i. Quia iudicis officium est parti-  
bus litigantibus sententiam dicere secundum meri-  
ta causæ : est autem per se notum, eam litigantium  
partem, quæ causam suam in iudicio secundum le-  
ges & rationes probabilius defendit, potiore iure  
mereri. Ergo.

Nota. Iudicem non secundum benevolentiam  
iudicare

iudicare debere iuxta regulam 12. in 6. In iudicio non est acceptio personalium habenda. 14.

Quod si causæ & rationes hominum litigantium æquals sint, tunc iudex allegare potest eam ad superiorem vel arbitros partium consensu statuere, vel compositionē suadere, vel vni dimidiū, alteri alterū dimidium iuris aut rei, de qua lis est, adiudicare.

Probabilior verò causa censi debet illa 1. cui lex eo loco recepta assistit. Nam iudex in mandatis habet, ut secundum leges iudicet. I. nemo. C. de sentent. Adde iudicem defectum scientiæ advocateorum & litigatorum supplere posse ac proferre, quod scit legibus ac iuri publico convenire, iuxta Abb. in c. Raynatius, num. 11. de testam. vbi ait. *Vbicunque aliquodius ex deductis in iudicium competit parti, licet pars ignoret, potest & debet iudex ex officio suppler, cum ipsi notorium sit. Quæ ad facta pertinent, illa ex notitia proferre debet, quæ ex actis & instrumentis accepit.*

2. Quam loci consuetudo tuetur, iuxta h. i. C. quæ sit longa consuetudo. Nam in dubio Optima est legum interpres consuetudo. leg. si de interp. ff. de legib.

3. Quam Doctores eo causarum genere bene periti communiter sequuntur. 4. Quam firmiorum rationum momenta stabiliunt. 5. Sic cetera paria sunt, benigniora proferri debent, iuxta reg. 56. ff. quod promissori favet, ut in casu dubio minus astringatur. Item, quod fidei & Religioni, atq; animæ saluti conducit: nam tales causæ, quam maximè favorabiles esse solent, summa enim ratio est quapro religione facit, l. sunt personæ ff. de religios. Praterea, cum partium iura obscura sunt, Reo potius favendum est quam Actori. reg. 11. in

6. Quare Actore non demonstrante, Reus absolvitur debet,

debet, non quidem pronunciando ipsum innocentem esse, sed crimen de eo demonstratum non fuisse.

*De Advocato.*

**N**ota. Hæcquæ de Iudice dicta, de Advocato 17  
dici non possunt, quia Advocati officium non  
est definire, seu ius dicere inter partes contendentes,  
sed parti vni litigantium assistere. Consequenter si  
Advocatus causam clientuli non manifeste ini-  
quam, sed probabilem iudicet, licet eius causam su-  
scipit, et si causam adversariam probabiliorem, &  
facilius obtinendam arbitretur. Nam quotiescumq;  
causa dubia seu controversa est, permittitur parti li-  
tem cum aduersario contestari; atque propositis iu-  
ribus ac rationibus suis, iudicis dirimentis senten-  
tiam postulare. Potest autem qui per alium, quod potest  
facere per seipsum. reg. 68. in 6. Nam ideo iura Advo-  
catum permittunt, ut sit vicarius partis litigan-  
tis.

Cæterum Advocatus causam dubiam suscipiens, 18  
debet 1. inspicere diligenter causæ æquitatem, & si  
iniustum comperiat, non suscipiat patrocinium, a-  
lioquin tanquam concausa ad compensationem da-  
mni partilæ obligatus erit. 2. Ut sincere aperiat  
clienti, quantam probabilitatem & spem victoriæ  
obtinendæ habeat, alias si spe inani & sumptibus  
frustraneis clientem involuat, ad compensationem  
damni obligatur. 3. Ut paratus sit absistere & cli-  
entis significare, quam primum in progressulitis ini-  
quitatem deprehenderit.

His adde 1. Si bona fide & probabili ignorantia 19  
ductus Advocatus causæ patrocinium suscepit,  
& po-

& postea ex noua causa , V. C. propter instrumentum repertum, vel clientuli confessionem, causæ ini-  
quitatem deprehendit , salarym nihilominus peti  
potest , securi si ob imperitiam causæ iniquitatem  
non cognouit.

Adde 2. quamvis absolute loquendo talis depre-  
hendens iniquitatem causæ , quam defendendam  
scepit , possit ea derelicta parti adversæ operari  
præstare , dummodo secreta quæ cum expresso , vel  
tacito reticendi pacto accepit , non aperiat ; tamen  
plerunque id scandalio non catet , ideoque dissua-  
dendum, nec à magistratu permittendum 16.

20 Adde 3. Quod peccet Advocatus , sicut & Iudex  
vel Consiliarij, si intellesto , quod pars vna litigati-  
tum causam iniquam habeat , auctores sunt transa-  
ctionis facienda, cum alterius partis damno , quan-  
doquidem transactio solum in causa dubia interve-  
nire debet.

### *De Iure dubio Proprietatis.*

21 Si bona fidei possessori superveniat dubium, num  
ressua sit, & post diligenter veritatis inquisitio-  
nem, nihil certi cognoscere possit, licet eam retinet,  
imo & absunit , & qui tali possessori in dubio rem  
aufert, peccat ac restituere debet. 16.

Sed licet postea alienam fuisse demonstretur, non  
amplius tameni obligatur, quaminde locupletior fa-  
ctus Prob. Assertio; nam in pari causa possit potior ha-  
beri debet reg. 170. ff. siue in pari delicto , vel causa potior  
est conditio possidentis reg. 65. in 6.

Quod si bona fidei possessor speculativè proba-  
bilius iudiceret, rem alterius esse , dum tameni mora-  
lē

lēm certitudinem non habet, ad nullam restitutio-  
niem obligatur. Non tenetur aliquis iure posses-  
sionis suae seipsum privare ante omnem iudicis senten-  
tiam, nisi constet rem ad alterum pertinere. Ut S.  
Augustinus, Bonæ fidei possessor rectissime dicitur,  
quamdiu se possidere ignorat alienum: cum vero  
scierit, nec ab aliena possessione recesserit, tunc ma-  
la fidei possessor prohibebitur. Dum vero partium  
iura obscura sunt, ordinariè loquendo, est præsum-  
ptio pro possesso. 17.

Secundo, Qui ab initio dubius fuit, & ideo non  
bona fide possessionem rei nactus, debet eam resti-  
tuere, saltem secundum proportionem dubij iuris,  
quod alter in illa re habere videtur. Qui enim rem a-  
liquam accipit, dubitans utrum accipiendi ius habe-  
at is male fidei possessor est: igitur durante hoc du-  
bio, possessio illi suffragari non debet.

*De Dubio valoris Matrimonij.*

Dubitans de matrimonij contrahendi valore 23  
(quia V. C. certum nuncium de morte coniu-  
gis non accepit) abstinere cogitur, ob favorem sacra-  
menti, ne invalidè administretur, & ob hoc princi-  
pium; Malā fide contractum iniri, possessionemque  
inchoari ab eo, qui ab initio dubitat, num contra-  
hendi ius habeat. Quare qui ita malā fide contraxit,  
durante dubio, reddere sed non petere debitum  
potest.

Quod si vero post matrimonium bona fide con-  
tractum superveniat dubium, de illius valore, licite 24  
potest petere debitum. Nam dubium super-  
veniens bonæ fidei possessori ob-  
esse non debet.

B

De

## De Iure belli in causa dubia.

**25** Exorto inter Principes dubio de iure proprietatis, potior est causa possessoris bonae fidei. Sin longe probabilius iudicetur, ad alterum rem pertinere, tunc possessor in transactionem consentire debet: alioquin bellum contra eum geri potest, si partes contendentes iudicem superiorem non habent. Quod si vero possessor dubius superiorem iudicem habeat, tunc, antequam condemnetur, nihil restitue et tenetur, dummodo actor impeditus non sit, quo minus, si velit, iudicio contendere possit: possessor etiam iustæ sententiæ superioris sui stare paratus sit.

**26** Si neuter contendentium rem bona fide possideat, tunc unus alterum mutuo consensu ad transactionem cogere potest, ut dividantur omnia proportione dubij iuris, quod cuique competere videtur. Quod si iustæ huius transactioni & petitioni alter satisfacere recusat, iam iniustus esse incipit, ideoque bello peti potest.

**27** Per accidens, videlicet ob ignorantiam fieri potest, ut bellum ex vtrahinc parte formaliter iustum sit, vt si partes post exactam causæ discussionem iudicio discrepant: & vna quidem arbitretur, certosibi rem debitam esse, altera vero sibi; Quo casu alteram quidem partem necesse est decipi: Si tamen error invincibilis, & non ex pravo affectu ortus, sic fieri potest, ut bellum vtrobiisque iustum sit. 20.

Qui in aliquo regno subditi sunt, si de aliqua re contendant, debent stare sententiæ Regis, vel præ*yidicis* Regni, ideoque inter tales ordinarie bellum geri non potest.

§. IV.

## §. IV.

## De dubio &amp; quæstione facti.

**D**Vbiū facti v. c: cum quæritur, vtrum quis sit <sup>29</sup> 24. annorum, potius speculativum est quam practicum, quia per eam quæstionem directe non quæritur, vtrum operatio licita, V. C tametsi probabile, quod aliquis 24 annorum, non tamen sequitur, quod liceat statim illi Presbyteratum accipere; sed eiusmodi quæstiones circa factum, aut qualitatem facti ex principio resolvi debent. <sup>21</sup>

N.B. Factum in Dubio ordinariè (in rebus odiōsis) non <sup>30</sup> presumitur, sed demonstrari debet, l. in bello. § factæ, ff. de captivis. cui affīne est illud l. 2 ff. de probat. *Ei incumbit probatio qui dicit*, seu affirmat aliquid factum, non qui negat; intellige, nisi præsumptio potius sit pro affirmante, factum aliquid fuisse. Quo pertinet illud Mascardi Vol. 2. ff. de probat. Factum in dubio præsumitur, si illud de iure faciendum erat, quia maius est, si existimemus aliquem munus suum recte obiisse, atque in eo quod egit, nihil necessarium omisisse. V. C. si constet alienationem aliquam factam esse, in dubio præsumitur, omnem necessariam solemnitatem adhibitam, ita, si constet hominem voulisse Deo aliquid, præsumitur sufficientem adhibuisse delibera- tionem, quia id natura in est, ut homo deliberate agat.

N.B. In dubio an aliquis votum ediderit, aut homini promiserit, non debet censeri obligatus. Si vero constet promissionem factam, sed dubitetur, an ei satisfactum, stat præsumptio pro obliga- tione. Prior pars probatur, nam factum in du- bio non præsumitur, sed demonstrari debet.

B 2 Ethic

Ethic etiam locum habet regula, *Nemo solvere cogitur, antequam monstretur esse debitor.* Posterior probatur. Nam executio voti, alteriusve obligationis est aliquid facti, quod in dubio non præsumitur.

Cæterum si quis probabilius esse arbitretur, ad eoque opinetur se votum executum fuisse, seu horas absolvisse, immunis est ab obligatione, eo quo in moralibus sæpe certitudo haberi non potest, neque in talibus conscientias nimis gravare oportet.

32 In dubio non præsumitur aliquem auctum, V.C. donationis, legati intervenisse: si autem constetur auctum esse, prælumptio est pro valore eius.

33 Qui dubitat, utrum 21. annorum, non tenetur ieiunare.

34 Si dubium est, utrum pubes fuerit adolescentis cum votum edidit, à patre vel tutori cassari potest. Nam hæc ætatis mutatio est quid facti, quod non præsumitur, donec probetur. Accedit, quod in dūbio superior non sit spoliandus iure suo.

35 Dubitans utrum 25. annorum, debet abstineri presbyterio, partim quia auctum in dubio non præsumitur, partim ob reverentiam Sacramenti, ne contingat hominem, cum legitimæ ætatis defectu, contra sacros canones ordinari. 22.

36 Dubitans an dies ieiunij transacta, seu noctis medium sit, non potest carnibus vesci. Dubitans vero, utrum sequens dies ieiunij cœpta sit, pergere potest vescendo donec certior fiat. Et quod talis non obstante illo dubio, posterā die licet sacrificet, aut communicet, non est improbabile. Secundo. Quia lex Ecclesiastica de ieiunio communicantium, non videtur tam arctè constringere conscientias in casu dubio, ut si quis dubitet, an dentibus masticans, de-

gluti-

glutiverit, &c. alia vero ratio est, si dubitetur de eo, quod ad substantiam Sacramenti pertinens ab Ecclesiæ voluntate non dependet.

Qui dubitat, vtrum peccatum mortale confessus <sup>37</sup> fuerit, debet illud confiteri.

Dubitans an peccaverit mortaliter, debet <sup>confiteri</sup>, quia tutior pars eligenda est in re favorabili, & animæ salvaturi. <sup>23</sup>

In dubio, vtrum censura contracta sit, benignior <sup>38</sup> pars præferenda est. Sin vero constet contractam censuram, in dubio non præsumitur ab solutionem datam esse. Ratio prior est, quia (in odiosis) delictum opere consummatum esse, atque exinde pena consequens, in dubio præsumi non debent. Hinc reg. 167. ff. *Favorabiles rei potius, quam actores habentur.* Reg. 15. in 6. Odia restringi, favores convenit ampliari. Probat. posterius ex Sanchez & Abb. in cap. proposuit, num. 4 de clericis, excomm. donec probetur sublata. arg. reg. in 6.

In dubio Iuris nemo censetur irregularis, sed neq; <sup>39</sup> in dubio facti, exceptâ irregularitate ex homicidio iniusto. Prob prius, Vbi dubitatur de culpa non est deferenda pena, satius enim est impunitum relinquifacitius innocentia. quam innocentem condemnare, iuxtal. absentem ff. de penis. Et in cap. is qui, de sent. excom. in 6. ad crimen incurrendum, requiritur, ut in iure expressum sit, cum autem ius dubium satis expressum non sit, ergo in dubio Iuris, non incurritur irregularitas. <sup>24</sup>

Quod attinet dubium commissi homicidij censi debet dubitans in vtroq; foro irregularis, est communis sententia & fundatur in constitutione Pontificum, qui ob periculum specialis indece

B 3 tiae,

tiæ , si forte postea innotescat , homicidiam ad sacrum altaris ministerium accessisse , in tali dubio abstinendum esse decreverunt , c. significanti.

Quod attinet alia dubia V.C. vtrum legitime sim natus , vtrum vxor virgo accesserit maritum , potest & clericus fieri , quia in iure dubia illa non expressa . 24.

NB. In dubio nemo condemnandus , in pœnis benignior interpretatio facienda.

40 Qui rationabiliter opinatur , quamvis non sine formidine oppositi , se hominem non occidisse , mortaliter non peccasse , aut peccatum confessum esse , prædictè lecurus esse potest , quia in tali casu , cum ob humanæ naturæ imbecillitatem , maior certitudo haberi non potest , satis est sequi verisimilia. Quod si vero agatur de valore sacramenti necessarij , maior necessitas requiritur ad hoc , vt cum rationabili formidine partis oppositæ operari li-

t. 25.

Puer Baptismum petens , de quo dubitatur , vtrum usum rationis habeat , Baptizari debet parentibus reluctantibus infidelibus , si periculum in moratur : sed & vice versa , si parens talem puerum Baptismo offerat , ipse vero reluctetur. Quia in dubio inclinandum est in favorem fidei & religionis : sed sub conditione ; si capax es , ego te baptizo . 25.

42 Interdum vero ex diuersis principiis , pro utraq; questionis parte rationes probabiles occurruunt , vt discerni non possit , quarum maius momentum sit. V.C. Si in utramque partem æquale rationabile dubium sit , vtrum pecuniarum debitor illas soluerit , nec ne ; questio est an hoc casu adsolutionem integrum teneatur. Quod teneatur prob. Quia factum in dubio

dubio non præsumitur , & creditor actione sua in dubio privari non debet. Quod non tenetur probatur, quia æquitas non patitur, ut debitor sine culpa sua magno periculo subjiciatur bis solvendo debitum, Creditor autem, qui & ipse, ut pono, tale du-  
biu[m] non difficitur, nullo periculo expositus sit.

## C A P. VI.

*De Conscientia scrupulosa.*

**S**Crupulus est vana appræhensio , & hinc ortus ti-  
mor, peccatum alicubi esse, ubi non est, oriuntur ex  
naturæ infirmitate , pusillanimitate & Melancho-  
lia. 26.

Remedia contra scrupulos, 1. Consultum est ex  
certa conscientia contra scrupulos operari, 2. nun-  
quam iudicare se consensisse in peccatum mortale,  
nisi id certo deprehendat. 3. Ea solum confiteatur,  
quæ certa cognoverit. 4. Confessarium non de qui-  
buscunq[ue] scrupuli consulat , sed s[ecundu]m proprijs ratio-  
nibus ac regulis à Confessario præscriptis vtatur.  
5. Cum primum animo scrupulus exoriatur, pruden-  
te aliqua ratione reijciat. 6. Confessiones non repe-  
rat, sed confessario acquiescat 7. Quod aliorum bo-  
norum virorum vita & consuetudo alijs possit esse  
vivendi regula. 8. Nosse, quod præcepta, affirmativa  
& positiva, de ieuniis, horis Canonicis &c. non se-  
cundum rigorem , sed secundum epieikian intelli-  
genda sint. 9.

Sentire de Domino in bonitate & simplicita-  
te cordis. Sap. 1. 28.